

南平文氏世譜序

遠來修譜家徃徃虛誇相尚其弊乃至汗牛充棟而不知止余
竊病焉與其逐末而厭煩孰若敦本而從簡徃在寅卯之變舉
族流離溝壑自念世譜家物也雖欲携帶卷帙浩繁藏置亦難
能免於亂燹者鮮矣然則其或有一二經亂而生者亦雖不欲
為失宗之人得乎族父兄惟是之懼於是乎派譜之議始發上
自鼻祖仍舊謄寫至監察公諱致昌以下稍加詳內外親疎生
卒葬祭畧備結為一帙俾吾門子姓欲家家珍藏而人人携之
顧乃刋費不少轉輾之際舍弟濟倍慮其諸族淡產難辦一力
自擔有是義舉宜特書之而勸諸後來也閱三月而功告竣也
族父凡命不肖叙其顛末亦猥忝有司之任不能無一言故叙
之如右惟願僉族勿以竣役為幸惟念祖聿修則敦可厚遠可

近勉之我勉之我

歲壬寅秋七月

日後孫濟烈謹序

庚子譜序

根深而末茂源遠則流長南平氏自三韓以後世食舊德名卿
顯士譜不絕書傳至三憂堂先生當麗李昏亂之日同鄭圃隱
李牧隱諸賢倡明正學從事於仁義忠孝之實致力乎叙秩命
討之顯功存斯文澤被蒼生遺韻餘馥民到今稱之蓋所謂有
終身之憂而基百年之計者也自是以降緒述趾美之大小微
顯固非後人所可窺測而觀於作家相論則師事圃牧講明道
義推晚隱理谷盡心王室抗言見逐推平翼監察悟齋之糾正
鄉俗獎進後學推忍齋勉修齋篤孝純至爲世矜式推白草堂
鍊江齋敬軒學有淵源望實俱全推茅隱楓菴邵穀詩書壽候
春秋推休軒沙塞絕域辛苦全節推止軒志感風泉高尚物表
推太古亭以東湖敬菴岩溪防隱之臨危殉節制行特異且雖

其氣像規模畧有不同而遵守聖賢之成法繼承祖宗之緒業
不失忠孝命討之實則又同一軌轍也考其居則嶺湖之數百
里在在布列其麗不億矣論其世則上下數千年講明傳授如
是其言足聽聞猗歟盛矣由是紹述闡釋處而在家則敦本
務實極孝友睦姻之政出而事君則難進易退思盡忠補過之
道有以自拔於人獸交際之會則文氏宗赫然勃興光于永世
者又安知不自是譜中出乎詩云孝子不匱永錫爾類言有德
者必有後也文氏其勉矣乎是役也后孫宅鎬及基良在轍載
杓錫杓實尸其事吉鎬濟萬浩惺問序於余

上之三十八年歲次辛丑端陽月日嘉善大夫戶曹參判同知
義禁府事兼 經筵特進官月城崔益鉉序

南平文氏世譜

初疊

始祖

文多省

字明遠 號三光先生 宋明帝泰豫元年新羅慈悲王十五年 壬子始降于南平郡大澤畔大岩上石 巫中時紫氣之像有之王 使聯主收養 之函面有丹 書文字故賜 姓文氏後世 稱其岩曰文 岩稱其澤曰

二世

子倬

門下侍中贊 成事上柱國 今同正太師 尚父封永城 開國男食邑 三千戶謚武 烈壽八十九 配位及墓所 無傳故未錄 凡後倣此

三世

子天降

門下侍中太 子太傅封永 城開國食邑 三千戶謚靖 簡 配夫人朴氏父 侍中孚

四世

子周男

參知內給事

子周伯

年十八為內 議侍郎拾遺 補闕門下左 僕射大司馬 大都護龍虎 大將軍上柱 國鉄冶開國 伯謚毅成

五世

子翊

子軾

子承祖

大司馬大將 軍上柱國封 鉄城開國伯 謚翊成

子繼祖

內給事

子胤祖

共下文

六世

子聖時

子聖和

見下二

子有明

子有亮

子聖龜

子瑞龜